

Ես բաց արի այն փոքրիկ արկղիկը, որը հիւանդը ցոյց տոտեց իր հոգեվարքի միջոցին: Նա լիքն էր զանազան հին, ցեց կերած թերթերով, որոնք գրոած էին պարսից, արաբացոց, յունաց, թուրքաց եւ հայոց լեզուներով: Նրանց վրայ դրոշմոած էին մեծ եւ փոքր կնիքներ: Մագաղաթի գրոածքը դարերի ընթացքում բոլորովին գունատոտել եւ մուգ-դեղին գոյն էր ստացել: Կարօն խլեց իմ ձեռքից հրովարտակները եւ բոլորը միասին նետեց հնոցի մէջ: Կրակը բորբոքեց, եւ Ղարա-Մելիքների աւելի քան հազար տարոայ տոհմային վկայականները մոխիր դարձան:

– Ինձ պետք չէ արտօնական իշխանութիւնը, որ իբրեւ ողորմութիւն շնորհոած է եղել իմ պապերին, – ասաց Կարօն խորին վրոզովմուկեով: – Ես պիտի աշխատեմ չտոկորել մուրացկանութիւն: Եթէ կը յաջողոի ինձ կրկին ձեռք բերել այն, ինչ որ կորցրել են իմ նախնիքը, – այդ պետք է լինի իմ սեփական ջանքով: Սրով, բռնի ուժով խլածը պետք է սրով վերադարձնել: Բայց ինչ որ ամենաթանկագինն է ինձ համար, – դա է իմ ծնողների արիւնը: – Ահա՛ ամենագլխաւոր պահանջը, որ պիտի տուժել տամ մեր թշնամիներին...

Այդ խօսքերը զարթեցրին իմ յիմար գլխում մի միտք, որ մինչեւ այն րոպէն մնացել էր խուլ, անշարժ, անկերպարան: Միթէ՞ իմ հօր արիւնը նոյնպէս չէր բողոքում արդարութեան ատեանի առջեւ, միթէ՞ նա գերեզմանից չէր կոչում որդուն վրեժխնդիր լինել: Թուրքը թուրքի հետ գրազ եկաւ եւ իր սրի զօրութիւնը փորձելու համար, մի հարոածով կտրեց իմ հօր պարանոցը եւ ստացաւ մի ֆինջան դահոէ... Որքա՛ն նախատինք, որքա՛ն ցածութիւն էր այդ, իր կեանքով լինել առարկայ մի այդպիսի բարբարոսական կատակի...

Յնոցի մէջ մագաղաթը դեռ այրուում էր. կապտագոյն բոցերը դեռ ալալում էին:

– Տե՛ս, այլեւս ի՞նչ կայ այնտեղ, – հարցրեց Կարօն, ցոյց տալով սնդուկը:

Յատակի վրայ մնացել էր փղոսկրեայ մի տուփ. ես բաց արի տուփը. նրա մէջ դրած էր մի փոքրիկ մեղալիոն, ոսկուց շինած եւ աղամաններով զարդարած, որի վրայ հմուտ ճարտարութեամբ նկարոած էր մի գեղեցիկ կանացի գլուխ: Այդ Կարօյի մօր պատկերն էր: Նա առեց իմ ձեռքից մեղալիոնը, մի քանի վայրկեան նայեց նրա վրայ, յետոյ թաքցրեց իր ծոցում: Այն ժամանակ միայն նկատեցի՝ նրա աչքերից գլորոտեցան մի քանի կաթիլ արտասուք գունաթափ, տխուր դէմքի վրայ: